


Vencobb 430Y broiler hi Venco Research & Breeding Farm Pvt. Ltd., in India ram sik leh sa chi hrang hrang tuar thei tur a a duan chhuah ani a. An lianin an thang chak bakah natna an do chak avangin ar vulhtute tana vulh manhla tak ani.

Kum 2025 ah KVK Lawngtlai chuan NICRA project hnuaiah he broiler vulh leh enkawl hi enchhin in a kalpui tan ani.

**A Vulhna Tur Hmun Thlan Dan:**

- ❖ Hmun rualrem, nikang tha leh theng thaw
- ❖ Midang te tana hnawksak leh rimchhe lo
- ❖ Chenna in nen inhnaih lutuk lo
- ❖ A ek thenfai zung zung theihna leh bawlhhlawh paihfai theihna hmun
- ❖ **A In:** A hma - hnungin (a vang) chhak-thlang lam hawi, a dung in chhim leh hmar ep ni thei se.
- ❖ Broiler 1 tan ft. 1 bial a lian
- ❖ Eng tamna hmun



**A In Sak Dan Tur:**

- ❖ Ar in chhuat phah nei chi (deep litter system)

- ❖ A awlsam thei ang bera saka, a chhuat awng deuh pheuh pheuh a mau, thing zai emaw thir hrui (slatted floor) hman
- ❖ Cage a khung chi in a vulh theih vek.

**A Chaw Pek Dan Tur:**

- ❖ Ni 1-10: Ate ber chaw (Pre-starter)
- ❖ Ni 11-24: Ate chaw (Starter mash)
- ❖ Ni 25-42: A thanglai chaw (Grower mash)
- ❖ Ni 43-56/hralh thleng: A lian chaw (Finisher mash)
- ❖ Tui thianghlim intur chhawp sak reng tur

**Chaw Pek Zat Tur Tlangpui:**

| Upat zawng (Kâr) | Ni khata chaw mamawh zat (g) | Belh khawm (gram) |
|------------------|------------------------------|-------------------|
| 1                | 17                           | -                 |
| 2                | 41                           | 406               |
| 3                | 65                           | 861               |
| 4                | 91                           | 1498              |
| 5                | 115                          | 2303              |
| 6                | 144                          | 3311              |
| 7                | 171                          | 4508              |
| 8                | 188                          | 5824              |

**Eng (Lighting) Mamawh Dan:**

Broiler note chuan nileng leh zan khua in (darkar)

24 chhung eng chhitsak an mamawh a. An lo len deuh hnu in nikhatah darkar 23 chhung eng chhitsak tur. Zana darkar khat tal tih thim sak hian enge maw thil a electric awm that loh huna anmahni an buai lohna tur a lo hmel hriattir nan atha ani.

**Hri Danna Pek Dan (Vaccination Schedule):**

| Ar Upat zawng (Kar) | Vaccination Details           |                          |                        |
|---------------------|-------------------------------|--------------------------|------------------------|
|                     | Natna hming                   | Vaccine hming            | Pekna tur              |
| 5 - 7               | Ranikhet disease (Ar pul hri) | Lasota or F <sub>1</sub> | Mit/hnarah/tuiah/spray |
| 2 & 6-8             | Ar hmai huh (Fowl pox)        | Live attenuated          | Thla hnuaiah           |
| 14 - 16             | IBD                           | Georgia strain           | Mit/hnarah/tuiah/spray |
| 28                  |                               |                          |                        |

**A Note Enkawl Dan:**

- ❖ Ar note dahna (brooder) chu arte dah hma darkar 6-8 ah lo peih fela, lo tihlum lawk tur.
- ❖ Darkar 2-4 chhung chu chaw pe lovin tui chauh pek tur a ni.
- ❖ Ni 1-2 na ah an tui inturah electrolytes (ORS) a pawlhsak theih.
- ❖ Kar 1-2 chhung chu Arte tla darh tur vennan Arte danna (chick guard) hman tur.
- ❖ Ar te danna hi Ar note 1 zelah 45 cm bial, a san zawng hi 1.5 ft. aia sang lo ni thei se.

- ❖ A chhuat atan favai/phuai inches 2-4 a chhah dah a, phuai chungah lehkhah phah a tha. Nitin lehkhah phah hi thlaksak thin tur ani.
- ❖ A tirah Ar note dahthar ten chaw an thlan thiam theih nan lehkhaphah chungah Arte chaw/vaimim densawm te theh darh sak tur.
- ❖ Ar te dahna lum zawng hi kar 1 a upa annih thlengin 95°F vel niin, kartin 5°F a tih hniam zel tur 70°F anih thlengin.



### Natna Laka Ar Ven Dan:

- ❖ Ar enkawltu in a hrisel leh damlo awmna enkawl kawp loh tur
- ❖ Ar damlo chu dah hran tur ani.
- ❖ Ar in upat hleih emaw in rualkhai lo In khatah dah dun loh tur.
- ❖ A theih hram vawi khatah tihral vek tur. A hlui leh athar dahpawlh loh tur.
- ❖ Ar enkawltu lo chu Ar In chhungah luhtir loh.
- ❖ Ar thi reng reng phumbo/halral vek tur.
- ❖ Ar In leh a vel, chaw pekna, tuipekna etc dam dawi hmanga tihfai (disinfect) fo tur ani.
- ❖ Ar In leh a chhuat phah (phuai, favai etc) a ro tha reng tur ani.
- ❖ Boruak luh leh chhuahna tha tawk siam.
- ❖ Ar In chep lutukah dah loh tur.
- ❖ Chaw tha leh tui thianghlum chauh pek tur.
- ❖ Hridanna leh rulhut hlo a hun takah pek tur.

Published by:

**Krishi Vigyan Kendra Lawngtlai  
Lawngtlai District, Mizoram – 796891  
under NICRA Project**

**E-mail: [kvklawngtlai@gmail.com](mailto:kvklawngtlai@gmail.com)  
Website: <https://lawngtlai.kvk7.in>**



## **BROILER (VENCOBB 430Y) VULH LEH ENKAWL DAN**



Prepared by:

**Dr. Lalthazuali  
SMS (Animal Science)  
Krishi Vigyan Kendra  
Lawngtlai District, Lawngtlai  
Mizoram-796891**